



Орган Лемковского Союза.

Выходит в каждый четверг.

Редакция и администрация в Крыниці. — Адрес „Лемко“ Крыница.

Пренумерата в краю:
30 грошей місячно,
80 „ квартално
1.50 „ полрочно,
3 зл. рочно.
В Америці: 1 дол. рочно.
В Чехословакии:
2 кор. місячно, 10 кпр. полрочно,
20 кор. рочно.
Контото чекове Нр. 404.155.

У хвала Лемко-Союзу.

Правлене Лемковского Союза на своем засіданю дня 17 марта 1935. р. в справі выплаты запомогы похоронной по смерти члена и в справі выплаты отшкодованя за павшу живину рішило:

I. В справі похоронного фонда членов Лемко-Союза. Право до выплаты похоронной запомогы в сумі 70 злотых мают законны наследники лем того члена, котрый вступил до Лемковского Союза не пересягнувши 50 (пятидесятого) року жита и был членом организации непрерывно найменше два літа, уплачаючи точно членскы вклады, уставом организации предвиджены.

II. В справі отшкодованя за павшу живину.

- Право до отшкодованя набыват член лем по трох місяцах своей членской принадлежности до организации и лем втотчас, коли платит точно вклады.
- Отшкодоване може достати лем за живину, котра становила его власность або власность его мужа (жены), жиющего с ним в одной господарці.
- Отшкодоване достас за живину, страчену наследком случайной, неувяненной хвороты, повсталой без ничей вины або несчастного случая и то за живину рогату, або коня, котры сут понад рок стары.
- Организация не платит отшкодованя, если падене живины наступило наследком какойнибудь панующой в селі пошести (заразы) а также не платит отшкодованя за живину, котра упала наследком застарілой хвороты, котра обявляла ся ише перед вступленем властителя до организации и за живину, котру член организации купил с обявами застарілой хвороты.

Вшиткых тых, котрым переслано календары для продажи, просит редакция в прислане одержаных с роспродажи грошей.

Вшиткых пренумераторов просит ся выровнати пренумерату за прошлый рок и вплачати ю на рок 1935.

Вписуйте ся в члены Лемко-Союза! Членска вкладка выносит 2 зл. рочно. Лемко-Союз выплачат своим членам в несчастях запомогы и так: 1) в случаю смерти члена 70 зл., 2) в случаю страты коровы, або коня 50 зл.

Не буде запомог для безработных.

Вмісто запомог—робота.

В днях 4 и 5-того квітня отбыл ся сїзд дыректоров воєводских бюр Фонда Труда. Предсідательом того сїзда был начальный дыректор Фонда Труда министр М. Доляновский. В сїзді брал участь также министр Социальной Опеки Пацьорковский, котрый в выголошеном рефераті сказал медже иншим, же господарче положене стае ся штораз планше также и прото, же великы работы публичны сут ведены не системом господарчом, лем отдаваны предпринимателям, котры дбают передовсем о свою кышень и берут до работ работников неыквалифицированных, але зато дешевых.

Штобы не допустити до того в будучности Фонд Труда застерегат собі при договорах с предпринимателями обявок звертати ся выключно до бюр Фонда Труда за потребныма работниками, а также застерегати собі контролю платы работникам за работу. Плата работника не може быти низша от пере-

сичной ціны работника в даном терені.

Погодивше министр Пацьорковский пояснил, прошто злучено Фонд Безработя с Фондом Труда и сказал, што головном причинном такого злученя тых двох фондов являт ся то, же в будучности буде ся стремити до того, штобы вмісто запомогы давати работу.

Може то, намірене буде початково принято неохотно, але погодивше люды переконают ся, же не жебранина и запомогы, але дане работы ест властивом формом помочи безработным. Гроши, котры выдавало ся давнійше непродуктивно на запомогы для безработных, треба тепер выдавати с користьом для вшиткых. Тота тенденция мусит быти у нас практично примінена.



Сплата рат рольных долгов.

Дня 1. квітня 1935 р. минул термин платности першой раты рольных долгов, подпадающих ростерминованю со силы самого права.

Сут случаи, же газда не знае сам, як мас робити, ци ити до роземчих урядов, ци самому обчисляти раты и вплачати.

Если долг ест рольным и высота должной суммы не ест спорна и притом, если долг затягнуто перед 1. липня 1932 р. то в таком случаю газда може собі сам обраховати рату и вплачати ю кредитором.

Штобы газдам облегчити обчислене рат, выдало Воєводске Бюро для Справ Финансово-Рольных в Варшаві ул. Филтрова 57. помочничы таблицы, в котрых бере ся под увагу ратальны сплаты и текучи проценты и обчислят ся высоту рат докладно, без ошибок. Таблицы такы можна достати в ціні по 70 гр. в бюрах финансово рольных и великих книгарнях. Таблицы такы повинны находити ся в каждом уряді громадском и у

каждого солтыса, шtbody они могли помочи людям при обчислянню рат.

Также и роземчи уряды приступили до выдаваня посвідчень о высоті рат. Таки посвідчення сут однак потребны радше кредиторови, як должникови, бо без такого посвідчення, выставленого урядом роземчим о высоті рат, кредитор не має права жадати от должника заплаты цілого долга аж и в том случаю, если должник не заплатил двох безпосередно по собі наступаючих рат. Хотячи користати с такого права, кредитор мусит мати посвідченє уряда роземчого о высоті рат.

Рабунок у пчол.

На весну, коли ніт ище для пчол пожитка в поли, случат ся часто, же одны пчолы нападают на другы и рабуют им мед. Коли рой ест [сильный, то напастников отжене и не допустит до рабунка, але слабый зато все ся поддаст. При таких нападах пчолы боронят ся завзято, и прото результатом напада быват также цілковите знищенє нападеного роя.

Шtbody не бояти ся нападыв, наилучше ест дбати о того, шtbody мати сильны рои.

Кромі того треба уважати также, жебы не приманити ничим чужих пчол. Часто случат ся, же коло уля розливат ся мед, або сироп, даваный пчолам на подкормленє, в улю сут шпары, очка для вылета сут за великы. Тото вшитко манит чужы пчолы, котры пробуют нападати

Вшитко аджек, што може манити чужы пчолы, мусит быти устранене. Шпары треба старанно заліпити глином, вымішаном с коровячим гноєм, вылет засунути на одну пчолу, сміте с уля не вышмаряти, лем палити, рамки не лишати коло уля, лем прятати до отдільного поміщення.

Рабунковых нападыв треба стеречи ся и прото, же жуджи пчолы можут завлечи до пасікы заразливу хвороту, так звану гнилец, котрый нищит пчолы, а позбыти ся той заразы можна лем через спаленє цілого роя разом с ульом, рамками и медом.

Найчастійше рабунковы напады робят пчолы италиянскы.

Хулиганство.

Шtbody у „нашых украинцов“ в боротьбі со вшиткым, што руске ніт етыкы ни за грош, о том всі барз добре знаме. Уж нераз мали мы случайность о том переконати ся. Однаково поступають украинскы ксендзы и друга их „интелігенция“ и селяне, стары украинцы, котры ище за „небіжки Австрии“ подвизали ся для неньки України и тоты, котрым ище под носом не высохло молоко, а котрым их отцы облизуючи ся, оповідають, як то они разом с австрияками расправляли ся с тьма, котры стояли твердо при своей рускости, як выдавали рускых людей до Талергофа и на шибеницы.

Украинска „молодіж“ не хоче стояти с заду своих „батьків“, а хоче ище их перевыштити в „боротьбі“ со вшиткым, што руске.

Новым доказом украинского хулиганства укр. „молодців“ може свідчити факт, котрый мал недавно місце в самборском повіті.

Кров застыгат в жилах, коли чує ся о том.

И так до села Садковичи, где ест читальня им. Качковского, выбрал ся рускый студент Онышкевич, шtbody собранным членам в по-

міщеню читальні прочитати реферат. Коли переходил через село Выкоты, напала на него банда украинских „молодців“ с якымси Прыком на чолі, вшиткы с палицами и дручками в руках. Оден с „найчільнійших“ замахнул ся на студента топором и если бы не притомность того студента, котрый с'имал в руки топор, былбы тот напад скончил ся с певностью его смертью. Выслід напада был такий, што студента тяжко поранено и подерто ему убранє.

От сам „зразок“ культуры украинских хулиганов, от вам способ их „боротьбы“.

Барз ся однак мылите „панове“, если думате, што в тот способ зможете повстримати розвите руского духа, русской мысли. Рускый народ помалы отрясат ся с того несчастья, котре вы спричинили своим юдином робством.

Если бы мы брали собі примір с поступованя выкотовских „молодців“ и взагалі украинских „борителів“, то уж давно особенно у нас на Лемковщині не было бы сліда по украинскых „діячах“, бо вшиткы они уж здавали бы рахунок перед престолом Всевышного.

Мы однак вхованы на высокой культурі, борем ся лем честно и культурно и віриме свято, што наша идея мусит побідити.

Кандыдат на украинского монарха иде дв криминала.

Писали мы свого часу о Вильгельмі Габсбургу, котрый в часі світової войны обнял команду галицкых січовых стрільцов, прозвал ся Васильом Вышиваным и был галицкыма укр. стрільцами предназначены на украинского монарха ци там укр. гетмана.

Тогды французскы газеты донесли загально, што Василь Вышиваный допустил ся якогоси обмана разом со своим невістом французенком Павлетом Куйба.

Тепер газеты тоты подають близши відомости о украинском діятелю, бо имено „украинска справа“ была тым коником, на котром Василь Вышиваный и его невіста доіхали перед браму криминала.

Слідство выказало, што тота добрана пара провадила медже богатыма французами агитацию за основанєм „самостійной Украины“ а на кошты и выдаткы, звязаны с основанєм такой державы вытягнула от легковірных французов 400. тысяч франков.

Гроши тоты обоє потратили на гуляще и распустне жите, бо лем на одну сукню для своей Павлеты выдал Василько Вышиваный 30. тысяч франков.

Могут быти горды наши галицкы украинцы из свого престонаслідника Вышиваного Василька, бо пошел сміло и непоколебимо слідами найбільших украинских политиков Николая Василька и Коростовца.

Тота украинска тройка медженародных ошустов и аферыстов, котры кончат свою карьеру перед кратами криминала, то наилучша рекляма для идейности украинского „руху“.

Може бы так украинскый „Наш Лемко“ напечатал своей украинской лемковской „молоді“ в найблизших числах портрет украинского престолнаслідника Васыля Вышиваного, шtbody тых пару „свідомых молодців“, котры носят не лемковскы гунькы, лем реверенды и панскы сурдуты, могли налюбовати ся чисто украинскыма чертами „обличчя“ того, котрому их предводителі лизали лапы и дашто вєце в часі світової войны.

Несподівана напасть.

В Ч. 4. на ст. 6. украинского „Нашого Лемка“ под заглавєм: „Гет з темнотою“ дописователь пише медже иншим, што рускы лемкы сут брудны и на всяку хвороту, болячку, рожу и др. радят прикладати нечистоту, як гной и т. п. По словам того самого дописователя рускы лемкы сут страшно темны и забобонны и яко доказ того суєвіря наводит примір, што коли злодіи украли гроши одному руснакови и то не звычайному, але такому, котрый уміє в церквѣ читати апостолы и ест воюющим рускым, то он звернул ся до бачи, шtbody тот выворожил ему, кто украд гроши. Тот самый чоловік вірит в забобоны, зашептованє и чары. Таки и инши бздуры пописал „просвіченый дописувач“ в „Нашом Лемку“, а вшитко тото зробил в той ціли, шtbody Тебе рускый лемку высміяти и назвати брудным, темным и суєвірным, а украинцов представити яко тоты свічники, котры приходять на Лемковщину нести культуру и просвічати тоты брудны масы, котры на раны кладут гной и котры вірят в чары, забобоны и зашептованє.

Думаю, што на такую напасть ніт што отвічати, на ню наилучше отвітят сами люди, коли при каждой нагоді будут памятати о том, за яких мають нас наши опекуны-украинцы и коли им скажут „не пхайте нєса до чужого проса“. Мы вас панове не просиме о рады, што маме робити в случаях хвороты и несчастья, бо мы сами знаме, кади дорога до лікара.

Хоц мы и по вашому темны, но все же мы от вас не хцеме учити ся, адже по што пхате ся до нас.

Осторожно с женячком!

Як всяди, так и у нас панує біда, ци то, як кажут по новому крыза.

Шtbody тому біду отопхати, я задумал ожєнити ся, што днеска не трудно, бо дівок ест дост по селах. Зашол я до села Мощинца и нашол дівчину до вподобы, котра мала трѣха доляров, заробленых тяжко во Франци. Обоє пошли мы до Суровицы, до о. Теофила Кмицикевича, дали на оповіди и почали приготовляти ся до весіля. Приходиме до вінчаня, а священник каже, што нас не повінчат, бо тесть не доплатил ему 5 зл. Я послал швагра по тестя аж на друге село, а тымчасом священник с паном дяком, Иваном Палицом пошли до „весіля до Дарова, до якогоси богача. А ты молодой с молодым гуляй собі на сухо и о голоді по поповстві. Пришел и тесть, а священника ніт. По кількох годинах жданя пришл с весіля священник и коли довідал ся, што тесть не принес рєшты грошей, дал найперше старому шлюб и зачал го обкладати, — бє где ся попаде. Я стою со своим молодым, як святой, бо бою ся, же и мені такий шлюб буде, але якося пошли мы до церкви и повінчали ся, але який то был шлюб п битці и по пяному. А може то нова „Просвіта“ котрой о. Кмицикевич ест председателем, а дяк секретаром, так их обох просвітила, же без гостины и биткы не можут ся обійти.

В каждом случаю уважайте молоды с женячком; наперед звідайте ся, який в селі священник, бо як такий, як о. Кмицикевич в Суровиці, то молодой най бере с собою пергы и пампушкы, жебы не голодовал так як я.

Чистогорб, дня 26. лютого 1935. Жєних.

Стецько-богач.

Не ма хаты Стець Вархіляк
Лем маленьку хижку,
Што мож взяти ю на плечи
И не буде тяжко.

А в той „хыжі“ висит торба
И на дверях гачок,
Але Стецько так все думат,
Што он ест богачом.

И розумы пороспушал
На всі штыры боки,
Гварит:—„в селі ніт мудрого,
Вшиткы лем бортанкы!“

А рав в селі встрітил Ваня
И до него рече:
„Ты дзяд Ваню, хыжи не маш,
а я мам чловечо“.

А я собі думам такє
С файком при кудели
Чом тот богач не гетманом.
Лем „Стецьком“ на селі?!

Ваньо сын Асафата.

Дві міры.

В 13. числі „Укр. Бескида“ из 7. апріля 1935. в дописи из Лемковщины напечатано уступ под тытулом „Православный похорон“. Автор епископ похорон православного священника Курдыдыка в Тыляві, згадує, што в проповідях, які выголошено гевориле ся о чорных хмарах, котры зависли над православными лемками, дивує ся, што тых чорных хмар не видно и пише дальше такє: „навакки на правосл. небозведі зовсім яєно, а доказом цего є вище згаданий похорон, в якому формальну и публичну участь взяли ріжні рускі „греко-католическі“ педагоги-учителі: Гайда з Терстяної, Фучила з Завадки, Байко з Зендранової і інші. Для декого такє братання може видаватись звичайною повинністю віддати останню прислугу особі, з якою жилось в дружніх зносинах, тім більше що руско-лемківські світські інтелігенти загально твердят, што уния и православіє то все одно. Але який релігійно моральний вплив матиме це все на простий нарід, головно на ті шкільні гр. кат. діти, що их виховуют отакі педагоги. —Хто знає релігійні лемк. відносини, цей мусит признати, що учаєть згаданих „русских людей“ педагогів у сему похороні беручи справу з релігійной точки була не лиш грішною але и грубо нетактовною“.

Отже на гадку „Укр. Бескида“ названы учителі не должні были ити на похорон священника Курдыдыка, хоц он был их добрым знакомым.

А што гварит „Укр. Бескид“ на тото, што так многы украинскы священники греко-русного обряда правили и правлят в своих церквах панихиды за Мазелу за Николая Скрипника, за Грушевского, хоц они также были православны.

Што скаже на тото, што такы панихиды правит ся не лем для інтелігенции, але и то головно для селян и школьных дітей.

То от рускых інтелігентов аж и світских вымагат „Укр. Бескид“ релігійного фанатизма и ненависти до всіх православных, а своим священникам позвалят публично молити ся за православных.

Не знате вы дописователі „Украинского Бескида“ релігійных отношень на Лемковщині, коли мыслите, што фанатизмом и ненавистям, доведете до згоды и получения всіх

лемков. То безцільне и совсем даремне, бо тото людей лем дразнит и ненавиєть поглублят.

Именно удержанє товариской связи и лучене ся людей на почві общественного труда може довести до вырванія тых ріжниц, які медже нами настали.

Для того честь учителям Гайді, Фучилі и Байку, если взяли участь в похороні человека так руского цілым сердцем, як был священник Курдыдык, и честь православным бортнянам, котры своето часу с своим православным процесіом отдали послідну прислугу рускому священнику бл. п. о. Калужняцкому.

И ище одно под адресом „Укр. Бескиду“. Не журит ся вы панове и отченькове релігійным роздором на Лемковщині — бо не вы будете его усмиряті. Не може брати ся до погашенія горіючої хыжи тот, кто сам ю подпалил.

Крокодылячи слезы.

„Украинский Бескид“ из 7. квітня 1935. число 13. в дописи „Оком по Лемковщині“ нарікат на краковску польску газету „Иллюстрваны Курьер Цодзеньны“ и на руску львовску газету „Земля і Воля“ прото, што они напечатали, же в звязи с об'їздом лемковских сел через Апостольского Администратора, богато православных лемков с различных сел, а головно с села Бортного повернуло до греко-русного обряда, бо тото на разі не стало ся и кончит тоту допись такыма резыма, до слез зворушующима словами: „після того вістка тая якоюь злобою. Апостольский Администратор не заслужив собі нияк на таку прикристь. Одначе ми вже привычні, що ці газети вже нераз „пописувались“ безпідставными нападами на наше гр. кат. духовенство“.

Чи ж не честный, чи не щирый для Апостольского Администратора тот „Укр. Бескид“. Лем его до сердца прикладати и навет во сні с ним не розставаєт ся.

Мы однак не видиме той страшной кривды, яку нибыто мали тоты дві газеты нанести Апост. Администраторови, бо они яко о довершеном факті написали о том' што ест завітнем мечтом и горячим желанем Апост. Администратора.

А если тото, што ест его горячим желанем ище не разі не исполнило ся, то не ест тото для Апост. Администратора жадном обидом.

И тут не ходило „Укр. Бескиду“ о тоту выдуману прикристь мнимо нанесену Апост. Администраторови, лем ходило о тото, штобы в отвітній формі донести украинским читателям, же неправдом ест, якобы так много лемков перешло из православия в унию. Во и якбы то припадало до сердца украинским патриотам, же еп. Коцыловский наvertsал лемков так долго и не помогло, лем веде пошкодило—а ту пришел Апост. Администратор и отраз такый успіх.

А не пасовало также „Укр. Бескиду“ написати так щиро, як в глубині сердца думал, отже тоту для себе и своих читателей потішаючу відомість убрал в форму обороны Апост. Администратора.

Вертаючи до самого факта, мусиме потвердити што „Земля і Воля“ повідомляючи о переході православных, напечатала тото за „Ил. Курьером“ покликуючи ся выразно на тото жерело, отже жадного нетакта, ани злосливо сти ся не допустила и злого наміра напевно не мала.

А найважнійше и найцікавше тото, што жерелом дописи до „Иллюстр. Курьера“ были информации, які уділил горлицкому корреспонденту „Иллюстр. Курьера“, не ите инший,

Перед с'їздом в Стрезі.

Недавне івдил англійский министр Иден до Москвы где конферовал с людьми, котры руководят политыком Советов, а вертаючи вслуши до Варшавы и до Прагы, где вел также розмовы политычного характера. Цілы тых подорожей быко обсуджеке справы zagrożеного мира в Еврепї. Понеже однак тоты розмовы не дали нич конкретного, мае отбити ся в тых днях с'їзд в Стрезі, в котром возмут участь представителі Англии, Франци и Италии. Там маюг обговорити, што треба робити на олучай появления небезпечекства в одном с тых трох місц, откаль може грозыти война. Такых місц в Еврепї наразі ест три: лівый берег рікы Река, Австрия и Выходна Европа. Тото, же Германия нарушила трактат версальский, не потягне для Германия нияких страшных послідствий и державы европейскы с тым фактом уж ся погодили. Тепер однак в сліды Германия хоче вступити в Мадярщина, для котрой постановленія мирных трактатов заключеных по войні еуть барз тяжкы. Напевно, однак в разі нарушенія през ню трактата в Триянон державы вытягнули бы монсеквенциі с того, сєгласно с постановленіями мирных трактатов. Прото Мадярщина смотрит кепским оком и с недовірєм на совіщаня, котры маюг отбыти ся в Стрезі, бо она видит, што ей види на ревизию мирных договоров в разі благопелучного сговоренія трох великих держав в Стрезі, будут похоронены на долгый час. Што ся тычит отношень до Германия, то иначе смотрит на тото Англия, а иначе Италия. Италия ест той думкы, што прити до якогоси порозумленія с Германиям можна без ей участи на той конференциі, а Англия гварит, што без Германия обійти ся не можна. Англию на конференциі в Стрезі буде заступати премьер Мекдональд и мин. Саймон, Францию мин. загр. справ Ляваль а меже и премьер Флянден, а Италию сам Мусолини и Сувич. Подобно корреспонденты газет не будут допущены до Стрезы.

Пожиточна работа.

В понеділок, дня 1, квітня т. р. о год. 4-той по полудни отбыло ся в будынку народной школы в Мушині собрание под председательством г-на Алексія Милиничя из Поворезника.

В собранию взяли участь люди с десокрестных сел Мушины в числі понад 250. На собрание приехал управитель Окружного Товариства Рольного из Нового Санча г-н Климчак и г-н Рогальский. Г-н Климчак выголосил річевый реферат о от долженю села и льготах, прислугующих людям при сплаті рольных долгов, а г-н Рогальский о годовлі овец и стосоваю штучных навозов.

Зантересоване выголошеныма рефератами было велике и в вывазаной над ними дискуссии забрало голос много присутных, медже нима г-н Алексій Милинич, Евстахий Милинич, Ваньо Милинич, Григорий Маркович, Ваньо Галик и други.

Было бы желательню, штобы частійше и в ріжних місцевостях устроено такы собрания, посвяченны справам господарств рольных, бо люди хотіли бы неодио зробити, але часто не знаюг, як забрати ся до того. Присутный,

як именно горлицкий гр. кат, декан о Ляльович, котрый сам оповідал чуда о мисии в Бортном и масовом переході православных в унию.

Што чути в світі.

Ліхтарня морська в кишени. Один голландський учений винашол лампу, котра буде могла заступити ліхтарні морські, а котру буде можна носити в кишени, бо розміри ей сут барз малы (долгота 15 см. а промір $\frac{1}{2}$ см.). Мають незадолго робити досліды е тем лампком.

В Норвегии будуют фабрику, котра буде продуковати штучны навозы с морской воды.

В Германии с дньом 31 марта в краю Бадения знесено стали державны субвенции для костела католицкого, протестантского и старокатолицкого.

Выборы в Гданску. В Гданску отбыли ся выборы. Прикленники нар. социялистов (тых котры ориентиуют ся на Гитлера) не здобыли кваліфікованой перевагы, як ся сподівали и в виду того не будуд могли змінити конституцію.

В Совітах паявил ся декрет, на подставі котрого будут стосувати навет взглядом молодежи, котра укончила 12 літ, десмертну вязницю, а также кару смерти за криминальны преступленя. Причином того было тото, што медже молодежом барз часто втрічал ся бандытизм. До тепер были там для молодежи, котра провинила ся, специальны заклады выхавачи, але Совіты спестерегли, што тоты заклады нич не помогают и прото змушени были выдати новы закон.

В Болгарии в місті Бельоза пришло до стрілянины медже комунистами и полициом двух комунистов и оден жандарм убиты; а кромі того до обох сторон их барз много раненых.

В Гданску незаны люди замазали выставки всіх жидовских склепов и помістили против жидовскы написы.

Килько ест спортсменов в Чехословакии? По урядовому обчисленю в Чехословакии ест тепер миллион активных спортсменов, с того веце як 600 тысяч секолов. Спертом занимает ся также около 100 тысяч женщин.

Згоріло килькадесят особ. Коло станции в Ужгороді згоріло недавно в ночи 8 стырт соломы и сіна а притом жертвом огня пало много бездомных людей, котры ночевали в сіні. До тепер выдobyто 15 спаленых трупев, а тилько ище сподіют ся найти. Тіла несчастных згоріли на уголь, так што не можна их распознати.

Братов Адамовичей, котрых минулого року перелетіли с Амерыкы до Европы, засудил амерьканскый суд на 15 місяцов ареста за тото, што в нелегальный спосіб вьрєбляли спиртус.

Наводненє. Ріка Свилоч заляла улицы міста Мінска на Білоруси. 25 домов зниченых, 700 людей без даху над головою. Стан воды был веце як чотыры метры над звычайный.

В Мадрыті в часі высвітляня совітского фильма половина публикы начала рукоплескати, а друга половина свистати. Полиция арестовала килькох участников кинсового представления.

В Палестыні повстала нова арабска партия, котрой цільс ест борба с сионизмом и с имиграциом жидов до Палестыны а так само борба против английской власти.

В Австри радила недавно рада министров над тым, як розбудувати свою военну армию. Гварят, што Австрия задумае увеличити свои збройны силы наразі с 30 тысяч на 60 тысяч.

Бандытам в Савітской Росии. В Камениц Подольском напали бандыты на филию державного банка и застрілили касиера, а двух урядников поранили. За килька дней арестовано двух бандытов в Києві а чотырех в Москві. Их перевезли до Каменца, где засудили их на кару смерти и всіх розстріляли.

В Берліні суд засудил 24-літню Шарльсту Юнеман на кару смерти за тото, што голодом заморила своих трое дітей забравши с собом 44 маркы на килькадневну забаву. Коли вернула до дому заперты діти всі поумерали.

Совіты задержат пропаганду в Великобритани. Литвинев прирек англ. министру, Идену, чотрый їздил до Москвы недавно на нарады, што совітске правительство втримат комунистичну агитацию в цілої Брытанской империи. Агенты коминтерна не будуд доставати ниякых поддержок от Совітов.

Договор Румунии с закладами Скоды. Румунске правительство внесло до парламента проект закона о утверждене договора с закладами Скоды, котры мают достарчити Румунии оружия за 600 тысяч чеських корен.

Французскый премьер Ляваль має незадолго поїхати на нарады до Совітов с переробленным цілком проектом восточного пакта, бо тото пакта в такой редакции як был до тепер не хотіли подписати ани Германия ани Польша.

Дня 9. квітня начал ся, в Крынци-селі курс трикотарства и приготовления волны.

На курс записало ся 35-люда, котры с охотом учат ся ладных выробов с фарбованой волны. Выробляют рукавичкы, пончоох, светры и мн. ише.

Штобы таких курсов было як найвече!

Насінє лену до січня можна купити в **Повітовом Товаристві Рольном** в **Новом Санці** в ціні по 72 зл. за 100 кг. Гроши посылати зараз. Замовленя мусят выносити найменше 50 кг.

Важне для селян

Фабрыкы волняных выробов звертают увагу селян на масовый хов расовых кроликов породы ангорской, котры дают дуже цінну и покупну волну. Хов тых кроликов даст газдам далеко больший и певный доход, чим хов кур, гусей, свиней, а навет коров.

О близши информации в ділі закупня кроликов, поччень о способах кормления, збераня с них волны, продажы волны належит звертати ся под адресом: Strzyżów ul. Wisłokiem Skrytka poczt. № 1. Под тым самым адресом можна продати овечу волну. В таком случаю треба послати пробкы волны № 5—10 гр. и описати барву волны и подати ціну.

Відомости с краю.

Гром ударил в телефоничны проводы. Килька дней тому в часі бурі одна телефонистка со Станиславова хотіла получить ся со Львовом. В том самом часі гдеси на лєнии медже Станиславовом и Львовом ударил гром в телефоничны проводы и с той причины тота телефонистка была поражена и притом омлїла со страху и упала коло апарата на подлогу. Лєдві ю привели до притомности.

Славяне множат ся. Французскы учены обчислили, што с европейскых народов найвече множат ся Славяне, до котрых кромі руского и польского народов належат ише Сербохорваты, Словенцы, Чехы, Словакы и Болгары. Славянскы народы за 25 літ будуд творити половину населєня Европы.

Засудил дефравдантов. В Перемышлі засудили войта Репку с села Сосница пов. Ерослава и касиера Пинилу за спроневерєне в часі своего урядованя с касы громадской 8 тысяч злотых.

В Варшаві помер инспектор армии ген. Д. Конаржевскый, бывший вице-министер войсковых справ.

Вписы до народных школ. Школьны власти робят приготовления до переведєня вписов в народных школах на новий школьный рок. Мають быти зголошєны всі діти уроджены в р. 1928 а також и старши, котры през брак місца не могли попередно вписати ся.

Смутны пригоды наших боцанов. На Шлеску зауважено боцанов, котры мали в грудях отломкы муриных стріл. Ест то доказательство: што на наших боцанов в часі их лету над Африком стріляли муриные племена. И дійствительно етверджено, што коли наши боцаны зберают ся отлітати на полноч, громадячи ся в отада чєлячи навет по килька тысяч штук, окружают их дикы племена и засыпуют их стрілами законченыма шпильками с металю. Люди с тых племен уважают ногу боцана за «амулет», котрый хоронит перед укушенем змий. Лєкше ранены боцаны утєкают со стрілами, котры ломлят ся так, што острый шпиль остає в грудной кости птаха. С часом рана зарастат и боцаны прилітают с муринымы стрілами до нашего краю.

Найдешевше

можно купити сало, солонину, смалец и колбасу у **Носалі** в Крынци-Здрю (давнійше Кметович) напротив торговой галі.

Сало и солєна солонина по 1.20 зл.

Смалец и колбаса по 1.40 за 1 кг.

Склепам и кооператывам значный опуст.

Користайте с той небывалой оязии!

Увага Склепары!

Продам, выарендую, або прийму спольника до сельского склепу, положеного при тракті. Условя добры. Близши информации даст редакция «Лемка» по надосланю почтового значка за 25 грошей на отвѣт.